

# የሃኒሳ ፃፊዳ ኮይር ከታ ጌሉዋ

ዬሱሲ ከታዳ የሃኒሳ ፃፊዳ ኮይር ከታይ፡ ላዑ ሁጴ ቆጋቱዋ እይቄዳ፤ ሄዋንቱካ፡ ናባቢያዋንቶ ያሳናኔ እ ናዓ ዬሱሲ ከሪሰቶሳና እቲፔቴላይ ዴዓናዳን ማንጭላናሳኔ ሃ እቲፔቴላ ቆይሳናው ዳንዳይያ ዋርዶ ቲሚርቲያፔ ኡንቱንቱ ሃካና ማላ፡ ሚኒሲዴ አኩከሳናሳ። ሄ ዋዴ ዴንዴዳ ዋርዶ ቲሚርቲ «ኢታቴላይ ፑልቲያዌ ሃ ኑኒ ዴዒያ ዋልቃማ አላሚያና ጋኩቲያ ጋኩላና ጊዲያ ዲራው፡ ያሳ ናዓይ ዬሱሲ ሙሌካ አሳ ጊዳናው ዋይ፡ አሳቴላ ኤሻይ አው ዴዓናው ዳንዳይና» ያጊያዋ። ሄ አስታማራቱ፡ «አቶቴላ ጉሳይ አላሚያ ዴዑዋሲ ኡንዴቲያዋፔ ላዓ ኬሲያዋ» ያጊና። ሄዋ ቦላካ ቃሲ «ኢታኔ ኬካ ሻኪዴ እይቄያዋ ዋይ፡ ሃራ አሳው ሲቁዋ ቤሲያዋ ጊዶፔካ፡ አቶቴላና ኡንቱንታ ጋሲያባይ ባዋ» ያጊና።

ፃፊ ሃ ቲሚርቲያ ኤቁቲዳ፡ «ዬሱሲ ከሪሰቶሲ ፖሎ አሳ፤ ዬሱሳን አማኒያዋንቱኔ ያሳ ሲቁያዋንቱ ኡባይ ባሬንቱ ጊዶኒካ እቲ እቲዋና ሲቁታናው ቤሴ» ያጊዴ ኑዴዳ።

## **ሼምጋቱዋ ኡባቱዋሲ አሚቴዳ ቃንሳ ቆፋቱዋ**

- ጌሉዋ (1:1-4)
- ፖዑዋኔ ቆማ (1:5-2:29)
- ያሳ ናናኔ ፃላሂያ ናና (3:1-24)
- ቱሙዋኔ ባሌሉዋ (4:1-6)
- ሲቁዋ ዋልቃንሉዋ (4:7-21)
- ዶኒያ አማኑዋ (5:1-21)

### ዴዑዋ ቃላ

1 ኑኒ ከዩሩዋፔ ዶሚዴ ዴዒያ፡ ኑ አዩፊያን ቤዒዳ፡ ኑ ኩሺያን እ ቦቺ ቤዔዳ ዴዑዋ ቃላባ ሂንቱንቶ ፃፊቶ። ኑኒ እ ቤዔዳ፤ ኑ ኩሺካ እ ቦቺ ቤዔዳ። 2 ሄ ዴዑ ቆንጨና፡ ኑኒ እ ቤዒዳ፡ አባ ሂንቱንቶ ማርካቲቶ፤ ቃሲ ያሳ አዉዋ ማታን ዴዒያ ኑሲ ቆንጨዳ ማዲና ዴዑዋባ ሂንቱንቶ ኑዴቶ። 3 ቃሲ ኑናና ሂንቱንቶ እቲፔቴላይ ዴዓና ማላ፡ ኑኒ ቤዔዳዋኔ ሲሴዳዋ ሂንቱንቶ ኑዴቶ፤

ኑሲ አወዋናኔ አ ናዓ ዩሱሲ ኪሪሰቶሳና ኢቲፔቴላይ ዴዔ። 4 ኑኒ ኑ ናሼቻይ ፖሌታና ማላ፣ ሃዋ ሂንቴንቶ ፃፊቶ።

**ፆሳይ ፖዑዋ**

5 ኑኒ ፆሳ ናዓፔ ሲሲዴ፣ ሂንቴንቶ ኑዲያ ኪታይ፣ «ፆሳይ ፖዑዋ፤ አኒ ጳማይ ሙሌካ ባዋ» ያጊያዋ። 6 ኑኒ ኑሲ አናና ኢቲፔቴላይ ዴዔ ጊዴ ጳማኒ ዴፆፔ፣ ኑ ሃሳያኒኔ ኑ ኑሱዋን ዋርዶቲቶ። 7 ሺን ፖዑዋን ኢ ዴዒያዋዳን፣ ኑኒካ ፖዑዋን ዴፆፔ፣ ኑሲ ኢቶ ኢቲዋና ኢቲፔቴላይ ዴዔ፤ ቃሲ አ ናዓ፣ ዩሱሲ ኪሪሰቶሳ ሱሳይ ናጋራ ኡባፔ ኑና ጌሼ።

8 ኑኒ ናጋራ ኦሊቤይኮ ጎፔ፣ ኑሬካ ኑና ጩሜቶ፤ ኑናን ቱማቴላይካ ባዋ። 9 ሺን ኑኒ ፆሳው ኑ ናጋራ ፓፆፔ፣ ኢ ኑ ናጋራ አቶ ጋናወኔ ኑ ባዪዘ ኑሱዋ ኡባፔ ኑና ጌሻናው፣ አማኔቲያዋኔ ቱሙዋ ኦሊያዋ። 10 ኑኒ ናጋራ ኦሊቤይኮ ጎፔ፣ ፆሳ ዋርዶዋ ጌቶ፤ አ ቃላይካ ኑ ዋዛናን ዴዔና።

**2**

**ኪሪሰቶሲ ኑሲ ጋናቲያዋ**

1 ታ ናቶ፣ ናጋራ ሂንቴ ኦሌናዳን፣ ታኒ ሃዋ ሂንቴንቶ ፆላይ፤ ሺን ኦኒኔ ናጋራ ኦሶፔ፣ አወዋ ማታን ኑሲ ጋናቲያ ዩሱሲ ኪሪሰቶሲ፣ ዪሉ፣ ዴዔ። 2 ቃሲ ኑኒ ኑ ናጋራ አቶ ጌቴቲሳ ኪሪሰቶሳ ባጋና ዴሜቶ፤ ኪሪሰቶሲ ያርሼቴዳዌ አሳ ኡባ ናጋራ ዲጋናሳፔ አቲን፣ ኑ ናጋራ ፃላላ ዲጋናሳ ጊዴና።

3 ኑኒ ፆሳ አዛዙዋ ናጎፔ፣ ቱሙ አ ኤሪያዋ ሄዋን ሻካናው ዳንዳዬቶ። 4 ኢቲ ኡራይ፣ «ታኒ አ ኤራይ» ጊዴ፣ ቃሲ አ አዛዙዋ ናጌናን አጎፔ፣ ሄ ኡራይ ዋርዶዋ፤ ቱማቴላይካ አኒ ባዋ። 5 ሺን አ ቃላው አዛዙቲያ ኦና ጊዶፔኔ፣ ሄ ኡራይ ፆሳ ሲቁያዋ ቱሙ ፖሌቲዳ። ኑኒ ፆሳን ዴዒያዋ ሃዌ ኑና ኤሪሲ። ሄዌካ፣ 6 «ታኒ፣ ፆሳን ዴዓይ» ጊያ ኦኒኔ ኪሪሰቶሲ ዴዔዳዋዳን ዴዓናው ቤሴ።

**ኦራሳ አዛዙዋ**

7 ታ ሲቃቶ፣ ታኒ ሂንቴንቶ ኮዪሩዋፔ ዴዒያ ኤጫ አዛዙዋ ፆላይፔ አቲን፣ ኦራሳ አዛዙዋ ፆሬኬ፤ ሄ ኤጫ አዛዙ ሂንቴ ሲሴዳ ቃላ። 8 ጊዶፔካ፣ ታኒ ሂንቴንቶ ላዒንሱዋ ኦራሳ አዛዙዋ ፆላይ፤ ሄ አዛዙዋ ቱማቴላይካ ኪሪሰቶሳኒኔ ሂንቴናን ቤቴ። አዪሲ ጎፔ፣ ጳማይ ጳዬ፤ ቱሙ ፖዑ ሃዒ ፖዔ።

9 ፖዑዋን ደዓይ ጊዳ፣ ባሬ አሻ ኢዲያ ኦኒኔ ሃኖ ጋካናሲካ ጳማኒ ደዔ። 10 ባሬ አሻ ሰቂያ ኦኒኔ ፖዑዋን ደዔ፤ ሄ ኡራን ሃራ ኡራ ጳቢያባይ ኣያይኔ ባዋ። 11 ሺን ባሬ አሻ ኢዲያ ኦኒኔ ጳማኒ ደዔ፤ ጳማኒ ሃማቲ። ጳማይ ኣ ኣይፊያ ቆቂሲ ዋሌዳ ዲራው፣ ሃቃ ቢንቶኔ ኤሬና።

12 ታ ናቶ፣ ያሳይ ከሪሰቶሳ ሱንላ ዲራው፣ ሂንቴ ናጋራ ኣቶ ያጌዳ ዲራው፣ ታኒ ሂንቴንቶ ያፋይ።

13 ኣዎቶ፣ ኮዩሩዋፔ ደዒያዎ ሂንቴ ኤሬዳ ዲራው፣ ሂንቴንቶ ያፋይ።

ያላጋቶ፣ ያላሂያ ካፑዋ ሂንቴ ያኔዳ ዲራው፣ ሂንቴንቶ ያፋይ።

ጉላ ናቶ፣ ያሳ ኣወዋ ሂንቴ ኤሬዳ ዲራው፣ ሂንቴንቶ ያፋይ።

14 ኣዎቶ፣ ኮዩሩዋፔ ደዒያዎ ሂንቴ ኤሬዳ ዲራው፣ ሂንቴንቶ ያፋይ።

ያላጋቶ፣ ሂንቴ ሚኖ ጊዲያ ዲራውኔ ያሳ ቃላይ ሂንቴናን ደዒያ ዲራው፣ ቃሲ ያላሂያ ካፑዋ ሂንቴ ያኔዳ ዲራው፣ ሂንቴንቶ ያፋይ።

15 ሃ ኣላሚያ ዋይ ኣላሚያን ደዒያ ኣያኔ ሲቆፒቴ። ሂንቴ ሃ ኣላሚያ ሲቆፒቴ፣ ያሳ ሲቆ ሂንቴናን ባዋ። 16 ኣዩሲ ጎፔ፣ ሃ ኣላሚያን ደዒያ ኡባባይ፣ ሄዋካ፣ ኣሳቴላ ኣሙ፣ ኣዩፊያን ያሊዴ ካጄሊያዌኔ ባሬ ደዒያዎን ጨቁቲያዌ ሃ ኣላሚያፔ ዩዳዋፔ ኣቲን፣ ያሳፔ ዩቤና። 17 ሃ ኣላሚኔ ሃ ኣላሚያን ኣሳይ ኣሞቲያ ኡባባይ ኣቆና። ሺን ያሳይ ጌዳዋ ኦሊያ ኡራይ ሜጲናው ደዓና።

**ከሪሰቶሳ ኤቁቲያዋፔ ናጌቲያዋ**

18 ታ ናቶ፣ ዋዲያ ወርሴላይ ማታቴዳ፤ ከሪሰቶሳ ኤቁቲያዋ ሲንላፔ ያናዋ ሂንቴ ሲሴዳዋዳን፣ ሃራይ ኣቶ ሃዒካ ኣ ኤቁቲያዋንቱ ጮራቱ ዳንዴዲኖ። ሄዋ ዲራው፣ ዋዲያ ወርሴላይ ማታቴዳዋ ኦኒ ሄዋን ኤሬቶ። 19 ሃ ኤቁቲያዋንቱ ኑ ባጋ ጊዳና ዲራው፣ ኑ ጊዶፔ ኬሴዲኖ፤ ኣዩሲ ጎፔ፣ ኡንቴንቱ ኑ ባጋ ጊዲያባ ጊዲንቶኔ፣ ኑ ጊዶን ደዓና፤ ሺን ኡንቴንቱፔ ኦኒኔ ኑ ባጋ ጊዳናዌ ኤሬታና ማላ፣ ኑ ጊዶፔ ኬሴዲኖ።

20 ሺን ከሪሰቶሲ ሂንቴ ቦላ ጌሻ ኣያና ጉሴዳ፤ ቃሲ ሂንቴ ኡባይ ቱሙዋ ኤሬታ። 21 ቱሙዋ ሂንቴ ኤሬያ ዲራውኔ ቃሲ

ቱሙዋን ዋርዲ አያይኔ ባደናዋ ሂንቴ ኤሪያ ዲራው። ታኒ ሂንቴንቶ ፃፋይፔ አቲን። ቱሙዋ ሂንቴ ኤሪና ዲራው ፃፊኬ።

22 ዩሱሲ እኩቴዳ ኪሪሰቶሳ ገዲያዋ ኤሪኬ ገያ ኡራፔ አቲን። ዋርዲ እኔ? ሃዌ ፆሳ አወዋኔ ናዓ ኤሪኬ ገያዌ ኪሪሰቶሳ ኤቆቲያዎ። 23 ፆሳ ናዓ ኤሪኬ ገያ እናኔ ፆሳ አወካ ኤሪና፤ ፆሳ ናዓ ኤራይ ገያ እናኔ ቃሲ ፆሳ አወካ ኤሪ።

24 ሃዋ ዲራው። ኮደሩዋፔ ሂንቴ ሲሴዳዋ ሂንቴ ዋዛናን ማኒሲዴ ናገቴ። ኮደሩዋፔ ሲሴዳዋ ሂንቴ ናገቴ። ሂንቴንቶ ቃሲ ፆሳ ናዓናኔ ፆሳ አወዋና ኢቲፔቴላይ ዴዓና። 25 ቃሲ ኪሪሰቶሲ ባሬ ሁጴው ኩሲ ኢማና ጌዳዌ ሜጲና ዴዑዋ።

26 ታኒ ሃዋ ሂንቴንቶ ሄ ሂንቴና ባሌሌያ አሳቱዋ ዲራው ፃፋዲ። 27 ሺን ኪሪሰቶሲ ሂንቴ ቦላ ባሬ ጌሻ አያና ጉሴዳ። ጌሻ አያናይ ሂንቴናን ዴዒያ ዲራው። እኒኔ ሂንቴና ታማሪሳና ኮሺና፤ አዪሲ ጎፔ። አ ጌሻ አያናይ ሂንቴና ኡባባ ታማሪሴ። ኢ ታማሪሲያዌ ቱሙዋፔ አቲን ዋርዲዋ ገዴና። ሃዋ ዲራው አያና ጌሻ ቲማርቴው አዛዘቴዳ። ኪሪሰቶሳና ኢቲፔቴላን ዴዒቴ።

28 ታ ናቶ። ቃሲ ኢ ቆንጨያ ዎዳ። ኩኒ ያሺ ባደናዋንታ ገደናዳኒኔ። አ ዩሳ ጋላሲ አ ሲንላን ኩኒ ዩላቴናዳን። አናና ኢቲፔቴላን ዴዒቴ። 29 ኪሪሰቶሲ ያሎ ገዲያዋ ሂንቴ ኤርፔ። ያሎባ ኦሊያ ኡባይ ፆሳ ናዓ ገዲያዋ ኤራናው ቤሴ።

### 3

#### ፆሳ ናናቱዋ

1 ኩኒ ፆሳ ናናቱዋ ጌቴቲዳ ፃሴታና ማላ። ፆሳይ ኑና አይ ኬና ሲቆዳንቶኔ ቤዒቴ። ኩኒ ቱሙካ አ ናናቱዋ። ሃ አላሚ ፆሳ ኤሪና ዲራው። ኑናካ ኤሪና። 2 ታ ሲቃቶ። ሃዒ ኩኒ ፆሳ ናናቱዋ፤ ኩኒ አያ ሃናኔንቶ ቢር ኤሬቲቤና፤ ሺን ኪሪሰቶሲ ቆንጨያ ዎዳ። ኩኒ አ ማላታናዋ ኤሬቶ። አዪሲ ጎፔ። ኢ ቱሙ አ ገዲያዋ ኩኒ ኩሜንላን ቤዓና። 3 ቃሲ ኪሪሰቶሳ ቤዓና ገዴ ናሺቻን ናገያ እኒኔ ኪሪሰቶሲ ጌሻ ገዴዳዋዳን። ባሬና ጌሹ።

4 ናጋራ ኦሊያ ኡባይ ፆሳ ሂገያ ሜንሌ፤ አዪሲ ጎፔ። ናጋራይ ፆሳ ሂገያ ሜንሉሳ። 5 ኪሪሰቶሲ እሳ ናጋራ ቆንጨዳው ቆንጨዳዋ ሂንቴ ኤሪታ፤ እኒ ናጋራይ ባዋ። 6 ኪሪሰቶሳን ዴዒያ እኒኔ ናጋራ ኦሊዴ ዴዒና፤ ቃሲ ናጋራ ኦሊዴ ዴዒያ እኒኔ አ ቤዒቤና ዎይ ኤሪቤና።

3:1 የህ 1:12      3:5 የህ 1:29

7 ታ ናቶ፡ ኦኒኔ ሂንቴና ባሌላፖ። ከሪሰቶሲ ዲሎ ገዲያዋዳን፡ ዲሎባ ኦሊያ ኡራይ ዲሎ። 8 ፃላሂያ ካፑ ኮዩሩዋፕ ናጋራ ኦሊያ ዲራው፡ ናጋራ ኡባ ዋዴ ኦሊያ ኡራይ ፃላሂያ ካፑዋሳ፤ ሄዋ ዲራው፡ ያሳ ናባይ ፃላሂያ ካፑዋ ኦሎዋ ቆዩሳናው ቆንጩዳ። 9 ያሳ ናናቱዋ ገዲያ ኡባይ ያሳ ሜዴታይ ኡንቴንቴን ዴዲያ ዲራው፡ ናጋራ ኡባ ዋዴ ኦሊያ ኡራይ፤ ቃሲ ያሳይ ኡንቴንቴ ኣወዋ ገዲያ ዲራው፡ ናጋራ ኦላናው ዳንዳዩኪኖ። 10 ያሳ ናናቱዋ ገዲያዋኒኔ ፃላሂያ ካፑዋ ናናቱዋ ገደን ዴዲያ ዲማቴላይ ሃዋን ኤሪቴ፤ ዲሎባ ኦሊያዋንቴኔ ዋይ ባሪ ኢሻ ሲቄናዋንቴ ኦኒኔ ያሳ ናናቱዋ ገዲያኪኖ።

**ኢቱ ኢቱዋና ሲቄቲያዋ**

11 ኣዩሲ ጎፔ፡ ኮዩሩዋፕ ሂንቴ ሲሴዳ ከታይ፡ «ኢቱ ኢቱዋና ሲቄታናው ቤሴ» ያገረዋ። 12 ኦኒ ቃዬላ ማላ ገዳናው ቤሴና። ቃዬላ ፃላሂያ ካፑዋሳ፤ ሄዋ ገደ ዲራው፡ ባሪ ኢሻ ዋዴዳ። ኢ ባሪ ኢሻ ኣዩሲ ዋዴዳ? ኢ ኦሊያ ኦሎ ኢታ ገዲና፡ ኣ ኢሻይ ኦሊያ ኦሎ ሎባ ገዴዳ ዲራው ዋዴዳ።

13 ታናዳን ያሳ ካሊያዋንቶ፡ ሃ ሳባ ኣሳይ ሂንቴና ኢያፔ፡ ኦራሳባ ጎፔ። 14 ኦኒ ኣማኒያዋንታ ሲቄያ ዲራው፡ ሃዩቁዋፔ ዴያ ፔኔዳዋ ኤሪቶ፤ ኣማኒያዋንታ ሲቄና ኡራይ ኦኒኔ ሃዩቁዋ ገደን ዴዴ። 15 ኣማኒያዋንታ ኢዲያ ኦኒኔ ሸምፑዋ ዋዴዳዋ፤ ቃሲ ሸምፑዋ ዋዴዳዋን ሜዲና ዴዴ ባዩናዋ ሂንቴ ኤሪታ።

16 ከሪሰቶሲ ባሪ ሸምፑዋ ኦ ዲራው ኣሊዴ ኢሜዳዋን ሲቄ ኣዩንቶ ኦኒ ኤሪዳ፤ ኦኒካ ኣማኒያዋንቱ ዲራው፡ ኦ ሸምፑዋ ኣሊዴ ኢማናው ቤሴ። 17 ሸን ዴሪ ኣሳይ ኦኒኔ ባሪ ኢሻይ ሜቶቲያዋ ቤዲዳ፡ ኣው ቃሪቴናን ኢያፔ፡ ባሪ ዋዳናን ያሳ ሲቃይ ጋናው ዋኒ ዳንዳዩ? 18 ታ ናቶ፡ ኦኒ ኦሎዋኒኔ ቱማቴላን ሲቄቶይቴፔ ኣቲን፡ ጮ ሃሳያን ዋይ ቦላ ዶናን ሲቄታናው ቤሴና።

**ያሳ ሲንሳን ኣማኔቲዴ ኤቂያዋ**

19-20 ኦኒ ቱሙዋ ባጋን ዴዲያዋ ሄዋን ኤራና፤ ቃሲ ኦ ዋዳናይ ኦ ቦላ ፒርዲያ ዋዴ ኡባን፡ ያሳ ሲንሳን ቱማቴላ ኦና ሄዋን ኤሪሴ። ኣዩሲ ጎፔ፡ ያሳይ ኦ ዋዳናፔ ዋልቃማ፤ ቃሲ ኢ ኡባባ ኤሪ።

21 ታ ሲቃቶ፡ ኦ ዋዳናይ ኦ ቦላ ፒርዴናዋ ገደፔ፡ ኦኒ ያሳ ሲንሳን ያዮኮ። 22 ኦኒ ኣ ኣዛዙዋ ናገያ ዲራውኔ ኣ ናሸቲያባ ኦሊያ ዲራው፡ ዋሲያ ኡባባ ኣፔ ኣኬቶ። 23 ያሳ ኣዛዙ ሃዋ፡ ከሪሰቶሲ ኦና ኣዛዙዳዋዳንካ፡ ያሳ ናባ ዩሱሲ ከሪሰቶሳ ሱንሳን

ኑኒ አማናናዳኒኔ ኢቱ ኢቱዋና ሲቁታናዳን ያሳይ ኑና አዘዘዳ።  
24 ያሳ አዘዘዋ ናጊያ ኦኒኔ ያሳ ጊደን ዴዔ፤ ያሳይካ አ ጊደን ዴዔ፤ ያሳይ ኑሲ ኢሜዳ አ አያና ባጋና ኢ ኑ ጊደን ዴዔያዋ ኑኒ ኤሬቶ።

### 4

#### ቱማንቻ አያናኔ ዋርዶ አያና

1 ታ ሲቆቶ፣ ያሳ አያናይ ታናን ዴዔ ጊያ ኡባ አማኖፒቱ፤ ሺን ኡንቱንቱን ዴዔያ አያናይ ያሳፔዬ ዋይ ጊዴኔንቶ ፓጩቱ። አዩሲ ጎፔ፣ ጮራ ዋርዶ ናባቱ ኡባሳ ቤዲኖ። 2 ያሳ አያና ጊዲያዋ ሂንቱ ሃዋን ኤራና፤ «ዩሱሲ ኪሪሰቶሲ አሳ ጊዲዴ ዬዳዋ አማናይ» ጊያ ኦናኒኔ ዴዔያ አያናይ ኡባይ ያሳፔ ዬ። 3 ቃሲ ኪሪሰቶሲ አሳ ጊዲዴ ዬዳዋ አማናይ ጌናዋ አያናይ ኡባይ ያሳፔ ዩቤና፤ አኒ ኪሪሰቶሳ ኤቁቲያ አያናይ ዴዔ። ሂንቱ ሃዌ ያናዋ ካሴ ሲሴዲታ፤ ኢ ሃራይ አቶ ሃዒካ ሃ አላሚያን ዴዔ።

4 ታ ናቶ፣ ሂንቱ ያሳዋንታ፤ ሂንቱ ጊደን ዴዔያ ጌሻ አያናይ ሃ አላሚያን ዴዔያ አያናፔ ዳር ዋልቃሚያ ዲራው፣ ዋርዶ ናባቱዋ ሂንቱ ያኔዲታ። 5 ኡንቱንቱ ሃ አላሚያ አሳ ጊዲያ ዲራው፣ ሃ አላሚያባ ሃሳዩኖ፤ ሃ አላሚያ አሳይካ ኡንቱንቱ ሃሳያ ሲሴ። 6 ኑኒ ያሳዋንታ፤ ያሳ ኤሪያ ኦኒኔ ኑኒ ጊያዋ ሲሴ። ያሳ ኤሬና ኦኒኔ ኑኒ ጊያዋ ሲሴ። ኑኒ ቱሙ አያናኔ ዋርዶ አያና ሃዋን ሻኬቶ።

#### ያሳይ ሲቁዋ

7 ታ ሲቃቶ፣ ሲቁ ያሳፔ ዩያ ዲራው፣ አኔ ኢቱ ኢቱዋና ሲቁቶይቱ። ሲቁቲያ ኦኒኔ ያሳ ናና፤ ያሳካ ኤሪኖ። 8 ያሳ ኤሻይ ሲቆ ጊዲያ ዲራው፣ ሲቁና ኡራይ ኦኒኔ ያሳ ኤሬና። 9 ያሳይ ኑና ባሬ ሲቁዋ ሃዋን ቤሴዳ፤ ኑኒ አ ባጋና ዴዐ-ዋ ዴማና ማላ፣ ባሬ ኢቲ ናዓ ሃ አላሚያ ከቲዳ። 10 ሲቁዋ ጊያዌ ሃዋ፤ ያሳይ ኑና ሲቁዳ፣ ኑኒ ኑ ናጋራፔ ማሮቲፋ ዴሜዳ ባሬ ናዓ ኑሲ ከቲዳፔ ኣቲን፣ ኑኒ አ ሲቁዳዋና ጊዴና።

11 ታ ሲቆቶ፣ ያሳይ ኑና ሃዋዳን ሲቁዳዋ ጊዶፔ፣ ኑኒካ ኢቱ ኢቱዋና ሲቁታናው ቤሴ። 12 ያሳ ኦኒኔ ሙሉካ ቤዒቤና፤ ኑኒ ኢቱ ኢቱዋና ሲቁቶፔ፣ ያሳይ ኑ ጊደን ዴዔ፤ አ ሲቁካ ኑ ጊደን ፖሌቲዳ።

13 ያሳይ ባሬ አያና ኑሲ ኢሜዳ ዲራው፣ ኑኒ ያሳ ጊደን ዴዔያዋኔ ኢካ ኑ ጊደን ዴዔያዋ ኤሬቶ። 14 ያሳ አዉ ባሬ ናዓ ሃ አላሚያ አሺያዋ ጊዳናው ከቲዳዋ ኑኒ ቤዒዴ ማርካቲቶ። 15 ዩሱሲ ያሳ ናዓ ጊዲያዋ ማርካቲያ ኑ ጊዲዋኒኔ ያሳይ ዴዔ፤

አካ ያሳ ገደን ዴዔ። 16 ያሳይ ኑና ሲቁያዎ ኑኒ ኑ ሁጹው ኤሬቶኔ አማኔቶ።

ያሳይ ሲቁዎ። ሲቁዎን ዴዔያ ኦኒኔ ያሳ ገደን ዴዔ፤ ያሳይካ አ ገደን ዴዔ። 17 ኑ ዴዐ ሃ አላሚያን ከሪሰቶሲ ዴዔዳዎ ማላ ገዲያ ዲራው። ፐርዳ ጋላሲ ኑኒ ያዬና ማላ። ሲቁ ኑ ገደን ፖሌቲዳ። 18 ሲቁዎን ያሺ ባዎ፤ ጋሱካ ቱሙ ሲቁ ያሻ ኬሲ ኦሌ። ያሻይኔ ሙራይ ኢቲፔ ቢያ ዲራው። ያዬያ ኡራ ሲቁ ኩሚንሳ ገዴና።

19 ያሳይ ኮይር ኑና ሲቁዳ ዲራው። ኑኒ አ ሲቁዶ። 20 ኦኒኔ፡ «ታኒ ያሳ ሲቃይ» ገዴ ባሬ አሻ ኢያፔ፤ ኢ ዎርዱዎ። አዩሲ ጎፔ፤ ቤዔዳ ባሬ አሻ ሲቁናዌ ቤዒቤና ያሳ ሲቃናው ዋኒ ዳንዳዩ? 21 ቃሲ ከሪሰቶሲ ኑሲ አሚዳ አዛዙ ሃዎ፤ ያሳ ሲቁያ ኡራይ ባሬ አሻካ ሲቃናው ቤሴ።

### 5

#### ሃ አላሚያ ያኒያዎ

1 ኦኬቲዳ ከሪሰቶሳ ያገዴ፡ ዩሱሳ አማኒያ ኡባይ ያሳ ናና፤ ቃሲ ያሳ አወዋ ሲቁያ ኦኒኔ አ ናናቱዋካ ሲቁ። 2 ኑኒ ያሳ ሲቁያዋኒኔ አ አዛዙዋ ናገያዎን፤ ያሳ ናናቱዋ ሲቁያዎ ኤሬቶ። 3 አዩሲ ጎፔ፤ ኑኒ ያሳ ሲቁያዌ አ አዛዙዋ ናገያዎ፤ አ አዛዙካ ዴዎ ገዴና። 4 አዩሲ ጎፔ፤ ያሳ ናዓ ገዲያ ኦኒኔ ሃ አላሚያ ያናናው ዳንዳዩ፤ ኑኒካ ሃ አላሚያ ያናናዌ ኑ አማኑዋና። 5 ሃ አላሚያ ያናናው ዳንዳዩያዌ ኦኒ? ዩሱሲ ያሳ ናዓ ገዲያዎ አማኒያዎ ዓላላይ ያናና።

#### ከሪሰቶሳዎ ማርካቲዳዎ

6 ዪንቃታ ሃላናኔ ሃይቁዎ ሱላና ዩዳዌ ሃዎ፤ ኢካ ዩሱሲ ከሪሰቶሳ፤ ሃላናኔ ሱላና \* ኢ ዩዳዎፔ ኦቲን፤ ሃላ ዓላላና ዩቤና። ጌሻ አያናይ ቱማ ገዲያ ዲራው። ሄዌ ቱማ ገዲያዎ ኢ ባሬ ሁጹው ማርካቲ። 7 አዩሲ ጎፔ፤ ሄዙ ማርካቲ ዴዒኖ። 8 ሄዎንቱ፤ ያሳ አያና፤ ሃላኔ ሱላ፤ ሃ ሄዛቱ ኢቱ ኢቱዎዎ ጳልቁኪኖ። 9 ኑኒ አሳይ ማርካቲያዎ አማኖፔ፤ ያሳይ ማርካቲያዌ አሳዎፔ ሎይሳ አዴ፤ አዩሲ ጎፔ፤ ያሳይ ባሬ ናዓ ባሬ ማርካቲዳ ማርካቲሳይ ሃዎ። 10 ያሳ ናዓ አማኒያ ኡራ ዎዛናን ሃ ማርካቲሳይ ዴዔ። ያሳ አማኔና

\* 5:6 ሃላናኔ ሱላና፡ ዩሱሲ ሃ አላሚያ ዩዴ ዪንቃታ ሃላ ዓላላና ገዴናን ባሬ ሃይቁዎ ሱላን ዩዳ። ሄዎ ጉሳይ ኢ አሳ ኩሺያን ያማቁቱሳ ዓላላ ገዴናን፤ ሃ አላሚያን ሃይቁዳ ጉሳ።

ኡራይ ኦኒኔ ያሳይ ባሬ ናዓው ማርካቴዳ ማርካቴላ አማኒቤና ዲራው፥ ያሳ ዋርዲዋ ጌ።

11 ሲሚ ማርካቴላይ ሃዋ፤ ያሳይ ኑሲ ሜዲና ዴቦ ደሚዳ፤ ሄዋካ እ ናዓን ዴዔ። 12 ያሳ ናዓይ ዴዔያ ኦሲኔ ዴቦ ዴዔ፤ ያሳ ናዓይ ባይና ኦሲኔ ዴቦ ባዋ።

**ሜዲና ዴቦ**

13 ያሳ ናዓ ሱንላን አማኒያ ሂንቴንቶ ሜዲና ዴቦ ዴዔያዋ ሂንቴ ኤራና ማላ፥ ሃዋ ሂንቴንቶ ፃፋዲ። 14 ያሳይ ኮዪያዋዲን፥ አዪኔ ኮኒ እ ዋሶ፤ ኢ ሲሲያዋ ኮኒ ኤሪያ ዲራው፥ አ ሲንላን ያዮኮ። 15 ኮኒ ዋሲያ ኡባን ኢ ሲሲያዋ ኤሮ፤ ኮኒ እ ዋሴዳዋ ኢ ዛሬዳዋ ኤሬቶ።

16 ኦኒኔ ሃይቁ ቤሴና ናጋራ ባሬ አሻይ ኦሊሺን ቤዖ፤ ያሳ ዋሳናው ቤሴ፤ ሃይቁ ቤሴና ናጋራ ኦሌዳዋንቶ ያሳይ ዴቦ ደሚዳ። ሃይቁ ቤሲያ ናጋራይ ዴዔ፤ ታኒ ሂንቴና ሄዋ ያሳ ዋሲቴ ጊኬ። 17 ባዪዞ ኦሱ ኡባይ ናጋራ፤ ሺን ሃይቁ ቤሴና ናጋራይ ዴዔ።

18 ያሳ ናናይ ኦኒኔ ናጋራ ኡባ ዋዴ ኦሌናዋ ኮኒ ኤሬቶ። አዪሲ ጎ፤ ያሳ ናዓይ ኡንቱንታ ናጌ፤ ቃሲ ፃላሂያ ካፑካ ኡንቱንታ ቆሃናው ዳንዳይና። 19 ኮኒ ያሳዋንታ ጊዲያዋኔ ሃ አላሚ ኡባይ ፃላሂያ ካፑዋን ሞዴቴዳዌ ኤሬቶ።

20 ኮኒ ቱሙ ያሳ ኤራናዲን፥ ያሳ ናዓይ ዬዳዋኔ ኑሲ አኬካ አሚዳዋ ኤሬቶ። ኮኒ ቱሙ ያሳ ጊዶን፥ አ ናዓ ዬሱሲ ኪሪሰቶሳ ጊዶን ዴዔቶ፤ ኢ ቱሙ ያሳኔ ሜዲና ዴቦ።

21 ታ ናቶ፥ ኤቃቱዋ፤ ሂንቴ ሁጲያ ናጊቴ።



## **Ooratha Caaquwaa New Testament in Dawro (ET:dwr:Dawro)**

copyright © 2011 Wycliffe Bible Translators, Inc.

Language: Dawro

Translation by: Wycliffe Bible Translators, Inc.

### **Copyright Information**

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

### **The New Testament**

in Dawro

**© 2011, Wycliffe Bible Translators, Inc. All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

---

PDF generated using Haiola and XeLaTeX on 21 Feb 2024 from source  
files dated 29 Jan 2022  
585b63ca-b8e6-55c8-bfef-10bdc95ad69c